



Broj: 09/2-3-16-4-14172-18/17  
Sarajevo, 26.01.2018.godine

Na osnovu člana 64. stav 1. tačka b.), člana 70. stav 1, 3. i 6. Zakona o javnim nabavkama BiH ("Službeni glasnik BiH", br. 39/14), te prijedloga Komisije za nabavke utvrđenog u zapisniku broj: KJN-16-4-int-2152-1/17 od 26.01.2018. godine, u postupku javne nabavke usluga brze pošte, **d o n o s i m:**

## **O D L U K U**

### **o izboru najpovoljnijeg ponuđača**

Ponuđač "DHL INTERNATIONAL " d.o.o. Sarajevo sa ponudom broj Pr. 04-37/1 od 09.08.2017 godine, proglašava se najpovoljnijim, te se imenovanom ponuđaču dodjeljuje okvirni sporazum za nabavku usluga brze pošte za potrebe Ministarstva vanjskih poslova BiH.

Ova odluka objavit će se na web-stranici [www.mvp.gov.ba](http://www.mvp.gov.ba) istovremeno sa upućivanjem ponuđačima koji su učestvovali u postupku javne nabavke, u skladu sa članom 70. Stav 6. Zakona o javnim nabavkama.

Po pravosnažnosti ove odluke, ugovorni organ će pozvati izabranog ponuđača radi zaključenja okvirnog sporazuma kojim će se regulisati međusobna prava i obaveze vezane za predmetnu nabavku shodno zahtjevima-uslovima ugovornog organa navedenim u tenderskoj dokumentaciji i zakonskim propisima koji regulišu postupke ugovaranja.

## **O b r a z l o ž e n j e**

Postupak javne nabavke pokrenut je Odlukom o pokretanju postupka broj: 09/2-3-int-778-1/17 od 05.04.2017. godine, u kojoj je predviđeno da je procijenjena vrijednost javne nabavke bez PDV-a 154.000,00 KM za period u trajanju od 24 mjeseca od dana potpisivanja.

Obavještenje o nabavci br: 253-1-2-41-3-10/17, objavljeno je na Portalu javnih nabavki dana 17.07.2017. godine, a sažetak obavještenja o nabavci objavljen je u Službenom glasniku BiH br: 52 od 21.07.2017. godine, na osnovu kojeg je proveden otvoreni postupak nabavke usluga za potrebe Ministarstva vanjskih poslova BiH.

Analizom dokumentacije pristiglih ponuda, te suštinskom provjerom sadržaja i validnosti dokumentacije, Komisija je utvrdila da ponude ponuđača:

1. " Hrvatska pošta" Mostar;
2. "JP BH Pošta" d.o.o. Sarajevo;
3. " Euro - Express" d.o.o. Banja Luka;
4. " DHL International" d.o.o. Sarajevo;

zaključno sa rednim brojem 4 (četiri),

ispunjavaju formalno-pravne, ekonomske i tehničke zahtjeve Ministarstva vanjskih poslova BiH, te da su prihvatljive i mogu biti predmet vrednovanja shodno kriterijima utvrđenim Obavještenjem o nabavci, odnosno tenderskom dokumentacijom.

Pregledom ponude ponuđača DHL International d.o.o. Sarajevo, Komisija za javne nabavke je utvrdila određene računске greške. S tim u vezi a u skladu sa odredbama člana 17. st. (1), (2) i (3) Uputstva za pripremu modela tenderske dokumentacije i ponuda, Komisija je izvršila ispravku greške u rekapitulaciji dostavljene ponude i zatražila od strane ponuđača izjašnjenje u pogledu prihvatanja navedene ispravke računске greške. Ponuđač je svojim dopisom broj 04-44/1 od 14.09.2017. godine dostavio obavijest o prihvatanju računске greške (u prilogu zapisnika koji se šalje svim učesnicima u postupku).

S obzirom da je jedan od ponuđača JP „BH Pošta“ d.o.o. Sarajevo uložio žalbu zbog navodne šutnje administracije, Ured za razmatranje žalbi BiH je dana 28.12.2017. godine donijela Zaključak broj: JN2-01-07-1-757-5/17, kojim je navedena žalba odbačena kao neuredna, te je Komisija za javne nabavke od svih ponuđača zatražila informaciju da li ostaju pri ranijoj cijeni ponude. Svi ponuđači su u datom roku dostavili svoje odgovore i izjasnili se da ostaju pri ranijim cijenama ponuda.

Polazeći od činjenice da prihvatljive ponude u formalno-pravnom, ekonomskom i tehničkom smislu ispunjavaju zahtjeve Ministarstva vanjskih poslova BiH, primjenom kriterija „najniža cijena tehnički zadovoljavajuće ponude“, Komisija je zapisnikom broj: KJN-16-4-int-2152-1/17 od 26.01.2018. godine, utvrdila rang listu ponuda i to:

1. " DHL International" d.o.o. Sarajevo –sa ukupnom cijenom bez PDV-a 5.222,29 KM;
2. " Euro - Express" d.o.o. Banja Luka –sa ukupnom cijenom bez PDV-a 13.042,51 KM;
3. "JP BH Pošta" d.o.o. Sarajevo – sa ukupnom cijenom bez PDV-a 17.399,24 KM;
4. " Hrvatska pošta" Mostar – sa ukupnom cijenom bez PDV-a 28.047,26 KM.

Nadalje, Komisija za javne nabavke je poređenjem cijena dostavljenih ponuda utvrdila da je ukupna cijena ponude ponuđača DHL International d.o.o. Sarajevo za više od 20 % niža od ukupne cijene drugoplasirane prihvatljive ponude. S tim u vezi, a u skladu sa odredbama člana 66. stav (1) Zakona o javnim nabavkama i člana 17. stav (7) tačka b) Uputstva za pripremu modela standardne tenderske dokumentacije i ponuda, zatraženo je od imenovanog ponuđača obrazloženje dostavljene ponude. Ponuđač DHL International d.o.o. Sarajevo je u predviđenom roku dostavio detaljno obrazloženje ponuđene cijene, što je Komisija nakon analize prihvatila, obzirom da se u konkretnom slučaju ne radi o neprirodno niskoj cijeni, već ista predstavlja standardnu cijenu navedenog ponuđača za ovakvu vrstu usluga.

Vezano za sve gore navedeno, vidljivo je da je prvoplasirana i najpovoljnija ponuda ponuđača: "**DHL INTERNATIONAL**" d.o.o. Sarajevo, sa cijenom od **5.222,29 KM bez PDV-a**, te da ista u ekonomskom i tehničkom smislu u potpunosti zadovoljava zahtjeve ugovornog organa. Cijeneći navedeno, a u skladu sa članom 64. stav 1. tačka b) i članom 65. Zakona o javnim nabavkama BiH, data je preporuka da se donese Odluka o izboru najpovoljnijeg ponuđača kao u dispozitivu.

**Pouka o pravnom lijeku:**

Protiv ove Odluke može se izjaviti žalba Uredu za razmatranje žalbi, najkasnije u roku od 10 (deset) dana od dana prijema ove Odluke i to u pismenoj formi, u dovoljnom broju primjeraka, a koji ne može biti manji od tri.

**DOSTAVITI:**

1. Svim učesnicima u postupku javne nabavke;
2. Evidenciji a/a.

